

tur. Sane *Franciscus de Evia*, Hispanus, Ord. Minor. qui a Fr. *Iohanne a S. Antonio* putatur alius ab Auctore *Praeparationis mortis*, quae proscripta est in *Indice Concilii Tridentini*, praestavit impressum sub hoc titulo: *Espejo del anima*, Pinciae apud Franciscum Fernandez 1550. 8. et forte alia, quae *Nicolaus Antonius* ei tribuere videtur; quod vero *Confessionale* aliquod scripserit, nullum legi, qui id adfirmet. Videtis laudatum Fr. *Iohannem a S. Antonio* T. I. *Bibl. Franciscanae*, pag. 393.

Omnia haec quinque Opuscula, proxime relata, ex *Hispanico* in *Italicum*, deinde a *Michaele ab Isselt* ex *Italico* in *Latinum* Idioma versa, exierunt in vulgus, Auctore *Possentino*, Coloniae, apud *Birckmannum*, 1592. quae editio laudatur etiam a *Clesio* in supra memorato *Elencho*, pag. 138.

XII. *Flores coronae spiritualis*. *Possentinus* et *Antonius* hoc opusculum *Granatensi* nostro tribuunt, addentes, *Italicum* factum Venetiis prodiisse, apud *Giolitos* 1574.

XIII. *Catechismus Hispanice* scriptus. *Bruxellis* 1597. Laudat *Lipenius*.

GALLICE 1587. et multo post *Parisiis* 1644. ex fide eiusdem.

XIV. *Catechismus in compendium redactus*, etiam *Hispanice* primum scriptus.

LATINE. *Martinus Binbart* Turingus *Latinis* auribus dedit, iurisque fecit publici sub titulo: *Catechismi minoris Libri tres*, Coloniae 1624. in 12. Quod opus non aliud mihi videtur ab eo, quod non nulli adpellant: *Conciones Catecheticae*, ibidem, ac eisdem anno et forma, publicato. An autem versio sit operis supra memorati §. III. Num. I. cum ad manus meas non pervenit, haud licet mihi discutere.

§. IX.

OPERA FALSO EI ADSRIPTA.

I. **P**arabolaevangelicae explicatae. *Antonius*, et *Echardus* inter opera dubia Auctoris nostri hoc recensent, subiungentes prodiisse *Caesaraugustae* 1585. *Altamura* quoque ad

ad annum 1589. in eadem est sententia, sicut et *Catalogi* non nulli *Librorum* parum adcurate scripti. Sed omnes supinantur, solo forsan cognomine seducti. Non enim *Ludovicus* noster, sed Fr. *Iohannes de Granada* Aragonus, *Conventus Bilbilitani* filius, Auctor fuit, ut vel ipse *Echardus*, sui immemor, fatetur T. II. ad annum 1592. pag. 307. Porro hoc *Parabolarum* Opus prodiit inscriptum: *Parabolaevangelicae, quotquot ab Ecclesia proponuntur, moralibus discursibus explicatae*. Pars prima de tempore, quam *Tarraconensi Archiepiscopo* clarissimo viro *Antonio Augustino* nuncupavit, typis *Laurentii* et *Didaci Robles* excusa fuit 1585. in 4. pagg. 404. Secunda vero, quae est de *Sanctis*, quamque *Petro Cerbuna* Episcopo *Tirafonensi* dedicavit, prodiit ex *Typographia* eadem 1587. in 4. pagg. 252. praeter *Indices* copiosos. Quae editio exstat in nostris *Orcelitana* et *Valentina*.

II. *Index copiosissimus Sermonum omnium de tempore et de Sanctis*. *Salmanticae* 1581. in 4. *Mugnozius* in *Vita Granatensis* Lib. III. cap. 2. fol. 172. a. *Echardus* T. II. pag. 286. col. 2. et alii *Librorum* succenturiatores, quibus omnibus ansam fortasse praebuit *Antonius Possentinus* in *App. Sac.* T. II. pag. 39. adscribunt nostro Auctori; sed qui illum concinnavit fuit Fr. *Iohannes de Hormaça* Ordinis nostri, ut postea videbimus §. XI. N. I.

III. *Doctorum Sententiae*. *Schottus* pag. 238. *Bibl. Hisp.* tribuit hoc opus *Granatensi*; sed aliud non est a *Sylva locorum communium*. Idem dicendum de eo, quod adpellat *Apophthegmata selecta*, non diverso ab illo, cui titulus: *Collectanea Philosophiae moralis*.

IV. *De his quae de Religiosis sparguntur in vulgus*. *Lipenius* in sua *Regali Biblioth.* *Francofurti* edita 1685. loquens de *Libris Theologicis*, opellam hanc supponit nostro *Ludovico*; verum cum nemo alius recenset, et oscitationis ansam potuerit praebere titulus *Epistolae de his quae de Religiosa quadam femina spargebantur in vulgus*, cuius memini supra §. VI. Num. III. videtur inter scripta falso ei tributa numeranda.

V. *Meditaciones de los Misterios de Christo*. Coloniae 1586. Laudat *Lipenius*. Sed non aliae sunt a secunda *P. Additionum Memorialis vitae Christianae*, quae prodiit *Salmanticae* apud *Matthiam Gast* 1574. in 8. hoc titulo: *Meditaciones mui devotas*

sobre algunos passos i misterios principales de la vida de nuestro Salvador, i señaladamente de su santa niñez, Pasion, Resurreccion, i gloriosa Ascension.

VI. Partes que ha de tener un Predicador. Matrini 1585. in 4. Recensetur in *Catal. Bibl. Barber. Romanae*. Ita *Echardus*, dubitans an sit a *Rhetorica* diversum. Sed quamvis certo certius sit non esse idem, non propterea eius Operum numerus augendus est, cum non sit aliud a *Vita Magistri Iohannis de Avila*, quam retuli supra §. II. Num. XIV. quaeque collectioni operum eiusdem *Avilae*, Matrini Petri Madrigal 1588. in 4. praefixa fuit hoc titulo: *Vida del P. Maestro Juan de Avila, i las partes que ha de tener un Predicador del Evangelio*. Qua de re leges *Mugnozium* in *Prol. Vitae laudati Iohannis de Avila*.

VII. Oraciones i ejercicios de diversos i graves Auctores. In *Indice Librorum prohibitorum ac expurgandorum pro Hispaniarum Regnis anni MDCCXLVII*. T. II. pag. 813. col. 1. proscribitur editio *Bruxellensis* huius operis anni 1662. his verbis: „ Deba-
„ jo del nombre de tan venerable Autor (*Fr. Luis de Granada*)
„ i valiendose de su sagrado, se imprimió en Bruselas año de
„ 1662. un Libro, cuyo titulo es: *Oraciones i ejercicios de di-*
„ *versos i graves Autores, por el P. Fr. Luis de Granada*, en el
„ qual se contienen los Psalmos penitenciales, i Letanias en
„ romance, i las Oraciones de S. Brigida, que estan prohibi-
„ das; el qual Libro se prohíbe, hasta que se expurgue, i se
„ declara por Apócrifo al dicho Autor.

VIII. Similis est furfuris *Manual de diversas oraciones, i espirituales ejercicios, sacados por la mayor parte del Libro llamado, Guia de pecadores, que compuso Fr. Luis de Granada*, prohibiturum in *Indice anni MDCXL*. pag. 798. col. 1. Quod nulli mi- cum piorum ac sapientium hominum plausu audiri coepit, familiare plerisque fuerit, illud usurpare, propriisque operibus praefigere, ut auctoritatis pondus obtinerent; quod ipse *Granatensis* innuit in *Praefat. editionis Salmantinae Guia de pecadores* 1579. cuius meminimus §. II. Num. I. his verbis: *Muchos toman algunos pedazos de mis Libros, i juntanlos con otras escrituras, i publicanlo todo en los titulos del Libro por cosa mia.*

§. X.

§. X.

ALIORVM OPERA EIVS VEL IVSSV
vel suasu scripta.

I. **S**ententiae et exempla ex probatissimis quibusque Scripto-ribus collecta et per locos communes digesta, per *Andream Eborensem Lusitanum*. Opus in duos divisum Tomos, quorum alter sententias, alter exempla refert. *Conimbricae* 1569. ex fide *Mugnozii* in *vita Granatensis* Lib. III. cap. 7. fol. 200. a. Deinde *Venetis* 1572. *Parisiis* 1575. eodem *Mugnozio* teste, loc. adducto fol. 199. a. *Ibid.* *Guillelmi Iuliani* 1583. II. voll. in 8. * quae exstat apud nostros *Valentinos*. *Venetis*, 1585. ex unitorum societate, II. TT. in 8. * in nostra ad *S. Onuphrii*. Tum *Coloniae*, *Hermannii Millii* 1619. Tomum posteriorem nuncupavit Auctor nostro *Ludovico*, inque *Epistola* dedicatoria haec habet: *Labori vero huic meo gratulor, te consilii auctorem, te editionis Patronum sortito. Tuum itaque patrocinium quasi meo iure vindicans, opus tuum tibi commendo, ut quod te consultore conceptum est, te fautore feliciter provebatur*. In editio- ne *Conimbricensi* anni 1569. aliae sunt nuncupatoriae litterae ad ipsum *Granatensem*, sed non minus humanitate, benevolentia, et veneratione plenae; quarum fragmentum bene longum ac lectu sane dignum adfert *Mugnozius* loc. cit. fol. 200.

II. *Fructus Sanctorum, i quinta parte del Flos Sanctorum, que es Libro de egeplos, asi de hombres ilustres en santidad, como de otros, cuyos hechos fueron dignos de reprehension, etc.* *Conchae*, *Ludovici Cano* 1604. in fol. *Alphonsus de Villegas* operis huius obessae molis Auctor, in *Prol.* ad Lectorem, haec fatetur: *Para ocupar me en este Libro, fue uno de los motivos escribirme el P. Fr. Luis de Granada (que Dios tiene en el Cielo) en dos Cartas, entre otras muchas, que yo estimo en mucho, por prendas caras de tan insigne Varon.*

III. Versio ex Latino in *Hispanum Idioma* operis, cui titulus: *Treinta i dos Sermones*, etc. cuius supra §. V. Num. IV. fecimus mentionem, a nostro *Iohanne de Cruce* elaborata fuit, suasu vel potius iussu *Granatensis*, ut vel hic testatur in *Praef.*

D 2

ad